

## **EXERCICIOS DE APOIO. UNIDADE 2. A GALICIA ACTUAL (2ª AVALIACIÓN, 4ª QUINCENA)**

### **1. Completa as seguintes frases:**

1. A inicios da Transición Galicia continuaba a ser un país maioritariamente \_\_\_\_\_, acollendo as cidades e vilas só o 30% da poboación. Iniciarase unha tendencia, que continúa até a actualidade, de \_\_\_\_\_ do \_\_\_\_\_, máis \_\_\_\_\_, cunha concentración da poboación no eixe costeiro atlántico.

2. O *Partido Comunista* (PCE) era a organización que mantivo unha mellor organización na época da clandestinidade. Coa creación de \_\_\_\_\_ (\_\_\_\_\_) conseguiu unha rápida extensión entre os traballadores urbanos.

3. No que respecta ao eido nacionalista, a finais da década dos 50 vai aparecer unha nova xeración política que asume os postulados nacionalistas mais dende posicionamentos da \_\_\_\_\_. Isto supón unha mudanza ideolóxica radical co que se viviu durante a II República. Aquí poderíamos mencionar ao grupo “\_\_\_\_\_”, discípulos de Ramón Piñeiro.

4. Durante o tardofranquismo, os movementos sociais que tiveron unha maior repercusión política foron o \_\_\_\_\_ e o \_\_\_\_\_. Vinculados a estes van xurdir as reivindicacións \_\_\_\_\_ e \_\_\_\_\_.

5. Mentres, entre as forzas de esquerda o PCG e o PSOE lideraban cadansúa plataforma, ás que se unían as outras forzas de esquerda, mentres que a UPG promovía outra. As diferenzas de estratexia eran claras: a “\_\_\_\_\_”, auspiciada polos comunistas, defendía a reforma democrática, un goberno autónomo transitorio que partise do Estatuto do 36. Pola súa banda, o “*Consello de Forzas Políticas de Galiza*”, liderada pola \_\_\_\_\_, era partidario da apertura dun proceso constituínte galego e do inmediato dereito de autodeterminación para Galicia.

6. En Galicia existían tres posturas ante o proceso autonómico: a dereita de \_\_\_\_\_ (quería só unha descentralización administrativa, o groso do centro e da esquerda (\_\_\_\_\_, \_\_\_\_\_, \_\_\_\_\_, PCG e o galeguismo de centro), que defendía o Estatuto do 36 ou un semellante, e o nacionalismo de esquerda apostaba polo dereito de autodeterminación.

7. Coa aprobación da Constitución de 1978, España configúrase como un Estado “\_\_\_\_\_” ou das “\_\_\_\_\_”, que se sitúa a medio camiño entre un Estado centralista e un federal.

8. Aprobada a Constitución, \_\_\_\_\_, presidente da Xunta preautonómica, acordou nomear unha comisión, que tivese o maior grao de consenso sociopolítico, para a elaboración dun proxecto de Estatuto. Coñecida como a \_\_\_\_\_, acolleu a representantes de todas as forzas parlamentarias e dalgunhas extraparlamentarias.

9. O referendo contou cunha participación ínfima, do \_\_\_\_\_, dos cales un 72,6% votaron a favor do novo Estatuto. Este grande abstención pode ser explicada porque a dereita e grande parte da UCD non se esforzaron en animar a participación, mentres que o groso das forzas nacionalistas se opuxeron.

10. O primeiro grande problema ao que tivo que facer fronte o primeiro goberno Albor, foi á cuestión da \_\_\_\_\_. Despois do apoio dende o goberno a \_\_\_\_\_ coma capital, cuestión na que estaban de acordo as forzas nacionalistas, a UCD permaneceu dividida e dende \_\_\_\_\_ se iniciou unha forte campaña para conseguir a \_\_\_\_\_, incluída unha multitudinaria manifestación. Finalmente o pleno do Parlamento aprobou unha resolución que sen declarar a capitalidade de \_\_\_\_\_.

11. O \_\_\_\_\_, integrado por seis socialistas, catro “coagas” e dos do PNG, non tivo tempo para desenvolver unha acción de goberno ante a proximidade do novo proceso electoral. Estivo moi condicionado polo xuízo por \_\_\_\_\_ ao que se viu sometido \_\_\_\_\_, que ao final tivo que renunciar ao cargo

12. No primeiro goberno Albor aprobouse por unanimidade a Lei de Normalización Lingüística (1983), proposta por C. Nogueira, que afirmaba que o galego era o idioma propio de Galicia, establecendo o “o dereito e o deber” de coñecelo, dotando á Real Academia Galega da autoridade normativa sobre a lingua.

13. A etapa do PP de \_\_\_\_\_ marcou un cambio radical no panorama político galego. O seu indiscutible liderado no centro-dereita acabou coa pluralidade de siglas e escisións frecuentes até ese momento.

14. Cando España se integra na CEE, prodúcese unha reorientación da \_\_\_\_\_, até aquel momento moi proteccionista, na busca de garantir uns prezos mínimos nas principais producións. Iniciouse un período de medidas restritivas á produción para facer fronte aos elevados excedentes nas principais producións, como é o caso do \_\_\_\_\_ por medio das \_\_\_\_\_, pero tamén foron afectando a outras producións.

15. A UE promoveu políticas \_\_\_\_\_ na busca da súa conservación que non beneficiaron á frota galega. \_\_\_\_\_, que posuía a maior frota pesqueira, viu como se reducían as súas cotas de pesca ao tempo que era obrigada a reconverter o sector, reducindo e modernizando os barcos.

16. O sector da construción naval sufriu unha forte reconversión, reducíndose de forma notable as súas instalacións e os seus empregados, sobre todo na comarca do \_\_\_\_\_. Este proceso de reconversión foi iniciado polo primeiro goberno \_\_\_\_\_ de \_\_\_\_\_.

17. A pesar de que Galicia recibiu ao redor dun 12% do investimento dirixido a España, mantívose ao longo dos últimos vinte anos como a terceira ou a cuarta autonomía cun \_\_\_\_\_ por \_\_\_\_\_, nun contexto de paulatino descenso do peso relativo da nosa poboación no conxunto do Estado.

18. Aínda que Galicia foise achegando a unha converxencia coa media europea, non deixa de ser certo que esa evolución é \_\_\_\_\_ á rexistrada tanto polo conxunto de rexións obxectivo 1 como pola media española e pola do conxunto de autonomías españolas que non son obxectivo 1.

19. O proceso de \_\_\_\_\_ da poboación galega que incrementa a taxa de dependencia, eleva o custo da provisión dos servizos públicos e, dado o potencial fiscal de Galicia, agrava tamén a nosa \_\_\_\_\_ fiscal.

20. No ano \_\_\_\_\_ configurouse a \_\_\_\_\_ formada por Galicia e o Norte de Portugal, co fin de favorecer a elaboración e a presentación de proxectos de cooperación conxuntos.

## 2. Solucións:

1. A inicios da Transición Galicia continuaba a ser un país maioritariamente rural, acollendo as cidades e vilas só o 30% da poboación. Iniciarase unha tendencia, que continúa até a actualidade, de despoboamento do interior, máis ruralizado, cunha concentración da poboación no eixe costeiro atlántico.

2. O *Partido Comunista* (PCE) era a organización que mantivo unha mellor organización na época da clandestinidade. Coa creación de Comisións Obreiras (1967) conseguiu unha rápida extensión entre os traballadores urbanos.

3. No que respecta ao eido nacionalista, A finais da década dos 50 vai aparecer unha nova xeración política que asume os postulados nacionalistas mais dende posicionamentos da esquerda. Isto supón unha mudanza ideolóxica radical co que se viviu durante a II República. Aquí poderíamos mencionar ao grupo “Brais Pinto”, discípulos de Ramón Piñeiro.

4. Durante o tardofranquismo, os movementos sociais que tiveron unha maior repercusión política foron o obreiro e o universitario. Vinculados a estes van xurdir as reivindicacións ecolóxicas e feministas.

5. Mentres, entre as forzas de esquerda o PCG e o PSOE lideraban cadansúa plataforma, ás que se unían as outras forzas de esquerda, mentres que a UPG promovía outra. As diferenzas de estratexia eran claras: a “*Táboa Democrática de Galicia*”, auspiciada polos comunistas, defendía a reforma democrática, un goberno autónomo transitorio que partise do Estatuto do 36. Pola súa banda, o “*Consello de Forzas Políticas de Galiza*”, liderada pola UPG, era partidario da apertura dun proceso constituínte galego e do inmediato dereito de autodeterminación para Galicia.

6. En Galicia existían tres posturas ante o proceso autonómico: a dereita de Alianza Popular (quería só unha descentralización administrativa, o groso do centro e da esquerda (UCD, PSOE, PSP, PCG e o galeguismo de centro), que defendía o Estatuto do 36 ou un semellante, e o nacionalismo de esquerda apostaba polo dereito de autodeterminación.

7. Coa aprobación da Constitución de 1978, España configúrase como un Estado “autonómico” ou das “autonomías”, que se sitúa a medio camiño entre un Estado centralista e un federal.

8. Aprobada a Constitución, Rosón, presidente da Xunta preautonómica, acordou nomear unha comisión, que tivese o maior grao de consenso sociopolítico, para a elaboración dun proxecto de Estatuto. Coñecida como a *Comisión dos 16*, acolleu a representantes de todas as forzas parlamentarias e dalgunhas extraparlamentarias.

9. O referendo contou cunha participación ínfima, do 28,3%, dos cales un 72,6% votaron a favor do novo Estatuto. Este grande abstención pode ser explicada porque a dereita e grande parte da UCD non se esforzaron en animar a participación, mentres que o groso das forzas nacionalistas se opuxeron.

10. O primeiro grande problema ao que tivo que facer fronte o primeiro goberno Albor, foi á cuestión da capitalidade. Despois do apoio dende o goberno a Santiago coma capital, cuestión na que estaban de acordo as forzas nacionalistas, a UCD permaneceu dividida e dende A Coruña se iniciou unha forte campaña para conseguir a capitalidade, incluída unha multitudinaria manifestación. Finalmente o pleno do Parlamento aprobou unha resolución que sen declarar a capitalidade de Santiago.

11. O Tripartito, integrado por seis socialistas, catro “coagas” e dos do PNG, non tivo tempo para desenvolver unha acción de goberno ante a proximidade do novo proceso electoral. Estivo moi condicionado polo xuízo por prevaricación ao que se viu sometido Barreiro, que ao final tivo que renunciar ao cargo

12. No primeiro goberno Albor aprobouse por unanimidade a Lei de Normalización Lingüística (1983), proposta por C. Nogueira, que afirmaba que o galego era o idioma propio de Galicia, establecendo o “o dereito e o deber” de coñecelo, dotando á Real Academia Galega da autoridade normativa sobre a lingua.

13. A etapa do PP de M. Fraga marcou un cambio radical no panorama político galego. O seu indiscutible liderado no centro-dereita acabou coa pluralidade de siglas e escisións frecuentes até ese momento.

14. Cando España se integra na CEE, prodúcese unha reorientación da PAC, até aquel momento moi proteccionista, na busca de garantir uns prezos mínimos nas principais producións. Iniciouse un período de medidas restritivas á produción para facer fronte aos elevados excedentes nas principais producións, como é o caso do leite por medio das cotas, pero tamén foron afectando a outras producións.

15. A UE promoveu políticas pesqueiras na busca da súa conservación que non beneficiaron á frota galega. Galicia, que posuía a maior frota pesqueira, viu como se reducían as súas cotas de pesca ao tempo que era obrigada a reconverter o sector, reducindo e modernizando os barcos.

16. O sector da construción naval sufriu unha forte reconversión, reducíndose de forma notable as súas instalacións e os seus empregados, sobre todo na comarca do Ferrol. Este proceso de reconversión foi iniciado polo primeiro goberno socialista de Filipe González.

17. A pesar de que Galicia recibiu ao redor dun 12% do investimento dirixido a España, mantívose ao longo dos últimos vinte anos como a terceira ou a cuarta autonomía cun menor PIB por habitante, nun contexto de paulatino descenso do peso relativo da nosa poboación no conxunto do Estado.

18. Aínda que Galicia foise achegando a unha converxencia coa media europea, non deixa de ser certo que esa evolución é inferior á rexistrada tanto polo conxunto de rexións obxectivo 1 como pola media española e pola do conxunto de autonomías españolas que non son obxectivo 1.

19. O proceso de envellecemento da poboación galega que incrementa a taxa de dependencia, eleva o custo da provisión dos servizos públicos e, dado o potencial fiscal de Galicia, agrava tamén a nosa dependencia fiscal.

20. No ano 1991 configurouse a eurorrexión formada por Galicia e o Norte de Portugal, co fin de favorecer a elaboración e a presentación de proxectos de cooperación conxuntos.